БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўғрисида)

Боғот туман

2024 йил 9 апрель

Боғот туманлараро иқтисодий судининг судьяси Б.Убайдуллаев раислигида, судья ёрдамчиси У.Зарипов котиблигида, Хива туман фермер, деҳқон ҳўжаликлари ва томорқа ер эгаллари Кенгаши даъвогар "Аскар Мадрахим" фермер ҳўжалиги манфаатида жавобгар "КНІVA CLAUSTER" маъсулияти чекланган жамиятидан 170 389 177 сўм асосий қарз, 31 351 608 сўм пеня ундириш тўғрисидаги даъво аризасини жавобгар вакили Х.Қутлимуратова (ишончномага асосан) иштирокида суд биносида очиқ суд мажлисида кўриб чиқиб, қуйидагиларни

АНИКЛАДИ:

Хива туман фермер, деҳқон ҳўжаликлари ва томорқа ер эгаллари Кенгаши (бундан буён матнда Кенгаш деб юритилади) "Аскар Мадрахим" фермер ҳўжалиги (бундан буён матнда даъвогар деб юритилади) манфаатида судга даъво ариза билан мурожаат қилиб, жавобгар "КНІVA CLAUSTER" маъсулияти чекланган жамиятидан (бундан буён матнда жавобгар деб юритилади) 170 389 177 сўм асосий қарз, 31 351 608 сўм пеня ундиришни сўраган.

Суд мажлисига иштирок этган жавобгар вакили даъво аризасини каноатлантиришни рад килишни сўради.

Кенгаш ва даъвогар бугунги суд мажлисининг ўтказилиш вақти ва жойи тўгрисида тегишли тартибда хабардор қилинган бўлсада, уларнинг вакили суд мажлисига келмади ва даъво юзасидан ўз фикр-мулоҳазаларини тақдим этмади.

Суд жавобгар вакилининг тушунтиришларини эшитиб, иш хужжатларини ўрганиб чиқиб, мухокама қилиб, қуйидагиларга асосан даъво аризани кўрмасдан қолдиришни лозим топди.

Даъвогар тегишли тартибда суд мажлиси жойи ва вақти тўғрисида хабардор қилинган бўлса-да, суд мажлисида иштирок қилмади ва ишни ўзининг иштирокисиз кўриш тўғрисида ариза билан мурожаат қилмаган.

Ўзбекистон Республикаси Иқтисодий процессуал кодексининг 128-моддасига асосан агар суд иқтисодий суд ишларини юритиш иштирокчиси ўзига юборилган ажримнинг кўчирма нусхасини олганлиги ёки ушбу Кодексда назарда тутилган бошқа усулда хабардор қилинганлиги тўғрисида суд мажлиси бошлангунига қадар маълумотларга эга бўлса, ушбу иштирокчи тегишли тарзда хабардор қилинган деб ҳисобланади.

Иқтисодий суд ишларини юритиш иштирокчиси қуйидаги ҳолларда ҳам суд томонидан тегишли тарзда ҳабардор қилинган деб ҳисобланади, агар:

ажрим йўлланган шахс ажримнинг кўчирма нусхасини олишни рад этган ва ушбу рад этиш қайд этилган бўлса;

суд томонидан юридик шахснинг судга маълум бўлган охирги жойлашган ери (почта манзили), фукаронинг яшаш жойи бўйича юборилган ажримнинг кўчирма нусхаси олувчи кўрсатилган манзилда йўклиги сабабли топширилмаган ва бу ҳақда алоқа муассасаси судни хабардор қилган бўлса;

ажримнинг кўчирма нусхаси суд томонидан электрон почта орқали ёки хабардор қилинганлик фактини тасдиқловчи бошқа алоқа воситаларидан фойдаланган ҳолда юборилган кундан эътиборан уч кун ўтган бўлса.

Ўзбекистон Республикаси Иқтисодий процессуал кодексининг 107-моддаси 6-бандида, даъвогар биринчи суд мажлисига келмаган ва ишни ўзининг иштирокисиз кўрилиши тўгрисида арз қилмаган бўлса, даъво аризаси кўрмасдан қолдирилиши баён этилган.

Ўзбекистон Респуликасининг "Давлат божи тўғрисида" Қонуннинг 9-моддаси 18-бандига кўра Ўзбекистон фермер, деҳқон хўжаликлари ва томорқа ер эгалари кенгаши, Қорақалпоғистон Республикаси, вилоятлар ва туманлар фермер, деҳқон ҳўжаликлари ва томорқа ер эгалари кенгашлари — фермер, деҳқон ҳўжаликлари ва томорқа ер эгаларининг манфаатларини кўзлаб килинган даъволар юзасидан давлат божи тўлашдан озод қилинган.

Шунинг учун суд, даъво аризани кўрмасдан қолдиришни, Кенгаш томонидан олдиндан тўлаб чиқилган 34 000 сўм почта харажати ўз зиммасига қолдиришни, давлат божи ундирмасликни лозим топди.

Қайд этилганларга асосан ва Ўзбекистон Республикаси Иқтисодий процессуал кодекси 195, 196 ва 107-моддасининг 6-бандини қўллаб, суд

АЖРИМ КИЛДИ:

Хива туман фермер, деҳқон ҳўжаликлари ва томорқа ер эгаллари Кенгашининг даъво аризаси кўрмасдан қолдирилсин.

Ажрим нусхаси тарафларга юборилсин.

Мазкур ажримдан норози тараф бир ой муддат ичида апелляция тартибида шикоят қилиш (протест келтириш) мумкин.

Судья

Б.Убайдуллаев

